

• 王雲五主編 •

特

號

清詩別裁

第二冊

沈德潛選

臺灣商務印書館印行

沈德潛選

清詩別裁二

臺灣商務印書館發行

復刊人人文庫序

人人文庫自民國五十五年始刊，迄六十二年終刊成者計達一千五百餘種。中分單號雙號及特號三種。單號每冊八元，雙號十二元，特號二十元。其種數之多，定價之廉，冠於全國。及六十二年秋後，紙張價格奇漲，且不易得，其他工料莫不稱是。人人文庫原以廉價爲主，隨成本而增價，殊違本旨，不得已於六十三年元月始暫停新書之印行，即原已出版各書亦以售罄爲止，暫不重版。今歲三四月以來紙價工價雖平均較前增長百分之一百五十，然已漸趨穩定，籌謀再四，決從五月起，仍予復刊，每月新刊暫定爲十種，其原出各書，銷數較廣者，仍予重版，以應讀者需求。書價姑定爲單號每冊十二元，雙號十八元，特號三十元，所增雖僅百分之五十，而以視工料之增長百分之一百五十者，仍稍虧損在所不惜。

復刊以後，選材益加審慎，範圍亦日廣，除與英國之人人文庫比擬，且後來居上。關於新知識之介紹仍略仿英國家庭大學叢書。又復刊新書之編著悉與原刊蟬聯

，設印刷工料不再增長，則由原刊之千五百餘種，不難與時並進，遞增至數千種，乃至萬種，使青年學子得以廉價盡讀有用之書，此則所殷望也。

又除單號雙號每種仍維持一冊外，特號因多載名著，爲存其真，必要時得分訂爲二冊以上，如十九世紀歐洲思想史卽其一例也。

中華民國六十三年五月一日王雲五識

清詩別裁

卷九

方殿元

字康章。廣東番邑人。康熙甲辰進士。官知縣。城江寧縣。著有九谷集。○九谷著書。自成一子。欲究天人竅奧。餘事乃作詩人也。然高華伉爽。依傍一空。品不在嶺南三家下。

廬山玉淵

高峯入青冥。中斷忽雲樹。屏風九疊間。飛泉半空注。奔騰過萬山。至此陡欲住。憚赫伴雷霆。一旦失憑怒。有似千古憤。投入靜者慮。兩崖青翠映。空色交相寓。淡淡與天空。冥冥寫秋素。窈窕散餘波。疑作江漢雨。幽光留人心。不覺白日暮。皎月上澄潭。此身在何處。極形奔泉陡住。比之填胸憤怒。忽入達士靜觀。古今辭人未開此口。

褒斜道

褒斜道。三載烽煙令人老。嵯峨雲棧四百里。其下黑龍江中水。北走三秦南走蜀。長蛇猛虎盤深谷。張良一燒不可測。顧盼從容得秦鹿。諸葛艱難數出師。大星夜落三軍哭。英雄成敗且有數。況乃區區一狐兔。黃塵瀕洞入秦川。風雪關山勞遠戍。鐵馬回頭望盤山。斷腸家過秦川路。更有子午與黃金。十里百折傷人心。懸崖峭壁日月黑。使爾戰魂招不得。此為竊據者言。見英雄尙難成功。況狐鼠輩耶。譬誠亂臣可補劍閣銘之缺。

秋夜長

淒淒者風胡不自東。不自南。不自北。吹我井上雙梧桐。梧桐昨夜飄孤葉。夫婿從軍入窮髮。兩地相思不相見。愁雲共掩關山月。飛鴻不我顧。海燕辭巢去。空房蟋蟀鳴。長夜漫漫誰與語。絨情含淚向天訴。蒼蒼無雲復無雨。西有牽牛東織女。

愛妾換馬

噴日嘶風紅叱撥。自似火齊汗似血。屈膝金屏出美人。郎鄆下蔡皆稱絕。英雄有事在烽烟。紅粉生離未足憐。願將妾織鴛鴦錦。裁作銀鞍滿月韉。

征怨

怯把金錢卜。春殘不道歸。昨宵看月暈。根觸幾重圍。

古音

吳元龍字長人。江南華亭人。康熙甲辰進士。官翰林。改工部郎中。己未召試博學鴻詞。擢翰林院侍講。著有問月堂詩鈔。

賜緞絹恭紀

爲郎冰署客。亦得荷恩私。恐負緇衣好。慙無黃絹詞。稱身安且吉。出笥卷還披。機杼需民力。艱難二月絲。
上六語。穆順寫題。一結乃見作手。

九日偕貴陽諸使君東山登高得初字

萬里登高日。千峯縱目初。天長迷近遠。雲合失崎嶇。邊徼蠻歌起。荒城落木疎。鄉心付征鴈。可許達音書。

起步似出
唐人手

繆彤字歌起江南長洲人康熙丁未賜進士第一人官侍講

送醫士方際泰歸茅山

賣藥長安市超然寄一身。摺驢偏識路破轆不生塵。入世性情古還鄉面目真。自慚留滯客對爾歎勞薪。

假歸南下欲遊五臺山

排空歷歷五高臺想像先教眼界開。客路風光隨馬去家鄉樹色渡江來。探奇亦自安禪味濟勝須誰作賦才。莫道上方鐘磬杳此身今已出塵埃。

渡江

涼月漾中流金山隱隱浮。尙餘殘醉在和夢到揚州。只清曉渡江耳寫得渾然無跡末五字何減唐人聲口

東臺望海峯

層層峭石擁高臺就裏藤蘿百道開。身在雲中天水合更於何處見蓬萊。

張英字敦復江南桐城人康熙丁未進士官至大學士謚文端著有存誠堂詩集○本朝應制詩共推文端入詞館者奉爲枕中秘而風格性靈不係此也特取高曠敬屬以著公

之風

擬古田家詩

柴門擁溪水。溪響無朝昏。農夫荷鋤倦。獨倚秋樹根。願我田疇好。念我桑麻繁。脈脈不能語。感茲風雨恩。風雨歲時熟。古俗今猶存。遙指煙生處。親戚滿前村。稚子驅雞犬。夜來忘閉門。何以醇清時。努力從田園。昔愛誦豳風。亦常歌小雅。桑柘棲雞豚。結廬在中塹。春菑方扶犁。秋禾倏盈把。野老樂時和。高枕瓜棚下。田家老瓦盆。新醪月中瀉。擊鼓賽先農。調瑟娛方社。何必桃花源。此境足瀟灑。風塵久誤人。我豈悠悠者。新晴土膏動。原上春草生。陂塘引礪壑。活活春水鳴。桑陰悅好鳥。布穀時一聲。夜來飽飯牛。朝來從耦耕。耦耕一畦畢。澹泊心無營。偶然召隣叟。索取壺觴傾。高談視天壤。把酒歡平生。面無憂喜色。胸無寵辱情。始知於陵子。灌園逃公卿。

讀漢書

壯哉霍子孟。易置多英風。離席按劍時。發議驚羣公。走馬杜鄴間。曾孫方困窮。手擊天子璽。授之咸陽宮。海枯石可爛。孰能替其功。珠襦黃金匣。甫葬茂陵東。狐鳴尚冠里。妻子煙塵空。穉侯殺弄兒。累世亢其宗。子孟庇阿顯。九族罹憫凶。割愛與殉私。延促霄壤同。臣術惟敬慎。庶幾保厥終。傳穉侯功業懸殊。而一世由殉私與割愛異也。指出敬慎。以昭臣道。事君者其知所法誠焉。

讀元道州賊退示官吏詩慨然有作

我愛元次山。詩篇獨簡質。短章如長謠。仁心自洋溢。至欲委符節。甘心就魚麥。昔人志康濟。豈云耽暇逸。

置身君民間。無能澹憂恤。汗顏拖長紳。不如腰帶銍。賢哲恥曠官。斯義久蕭瑟。誰無湖畔山。浩歌撫遺帙。

嚴陵江

千嶂桐廬道。清風幾溯洄。不知天子貴。猶是故人來。垂釣本無意。披裘亦浪猜。翻嫌人好事。高築子陵臺。
王貞白詩後賦嚴陵者俱落坑塹此篇不着議論籠罩一切可以追蹤古人

張玉裁字禮存江南丹徒人康熙丁未賜進士第二人官翰林編修

七夕立秋

旅榻當筵臥。西風拂小欄。秋從今夕到。月向異鄉看。有巧輸人乞。因貧得夢安。曝衣問僮僕。預戒早霜寒。
結意七夕立秋雙到

憶橘

朱實垂垂葉尚青。故山千樹未凋零。相思不隔長淮水。一夜鄉心落洞庭。

魏應徵字蒼石江南溧陽人康熙丁未進士官翰林出爲邵武太守有石屋詩鈔

送兒彪之沅江

我已無親侍。兒行又遠親。蕭疎千里外。去住一家貧。水闊風颿健。霜高候雁新。沅蘭芳可佩。極目楚江濱。
少陵令節成我老他時見汝心起十字同此筆墨

于忠肅祠

當年天子已蒙塵。中外安危寄此身。首建一言存社稷。獨鳴孤掌定君臣。丹心縱死還如鐵。碧血長埋未化磷。千載湖山留正氣。不須涕淚灑松筠。不填故實。不著泛語。是作家手段。

汪懋麟

字季角。江南江都人。康熙丁未進士。官刑部主事。著有百尺梧桐閣集。

題顧符真畫

昭陽顧生畫樓觀。絳闕瑤房生白雲。如蜺宮人三百六。丰神都似李將軍。此詩漁洋詩話中賞之。

顏光敏

字修采。山東曲阜人。康熙丁未進士。官吏部考功郎中。著有樂圃集。○時輩下稱詩。有十子之目。田公綸霞。宋公牧仲。曹公頌嘉。汪公季角。王公幼華。謝公千仞。曹公升六。丁公澹汝。葉公井叔。考功其一也。詩品端厚正大。不輕佻。不板滯。於十子中爲雅音。

白雲峯

三峯信靈造。巍巍司寇冠。磊砢不盡洩。嶢嶢復北盤。結空出瑤几。前對香鑪寒。大道望如髮。豁然見長安。我行採山蓀。蔥蒨被岡巒。秋色何時來。萬里霜林丹。三川富陳蹟。八水無停瀾。玉女恨不顧。目斷雙青鸞。磊砢十字。寫盡造化之奇。老杜入蜀詩中。每有出此。

青柯坪

我從華陰來。秋懷苦悽愴。一登十八盤。嗒焉如盡喪。手拂岫幌開雲關。峯巒變滅無停狀。狸狌嘯雨猿晝

啼咫尺但愁失歸向蒼藤罨歷穿危棧高下冥迷那得辨石稜澗道僅數尋渭水秦山幾迴轉舉頭忽訝
青天開垣屋鱗鱗綴晴巘長松挂壁森蓬蘢細霧緣扉裊烟篆吁嗟青柯坪壯觀真崔嵬三峯高造天於
我何有哉安得巨靈咆哮重壁裂二十八潭傾帝臺手挽鐵船入天漢仰攀十丈蓮花開迴頭卻笑羨門
子坐看東海生黃埃後半放筆爲之蒼鬱雄快遂成偉觀

關鵠行

高堂邃宇人罕過錦囊高挂珊瑚柯乍聞人響軒勇氣空中跳躑常傴傴何來賓從皆禿袖入門豪氣聲
誰呵服膺拳拳疑印綬朝餐廢箸猶摩挲三尺寶牀正中設鄭錦齊縷金盤隨兩鵠出囊已脫手盛怒似
欲尋干戈朱目紺趾豈得辨疾如激水旋雙渦注目良久三歎息爲官爲私理則那戕伐固皆爾儔類崇
朝百勝何足多磔毛啄血供一笑誰當與爾同癢疴瞥然一敗竟菹醢爭如朱鷺傳饒歌田中偃鼠飫草
實自注月令田鼠化爲鴽即鵠也徐行不避虞人羅乃知羽翼反爲累嗚呼奈此微生何爲同類戕害者戒後言田鼠無用虞人置之見變化之轉足累身也用意微矣

望華山

潼關西上見嵯峨路入雲臺佳氣多萬壑深松寒白日三峯積雪照黃河天雞曉徹扶桑湧石馬宵鳴翠
輦過擬向青冥銷永夏蓮花玉井竟如何七言近體俱在北地信陽之間

昭君曲

一辭宮闕出秦關。長得丹青識舊顏。爲報君王休愛惜。漢家征戍幾人還。悲憫征人用意忠厚。

喬

萊字石林江南寶應人康熙丁未進士己未召試博學鴻詞官翰林院侍讀

過應山縣弔楊忠烈公

嗚呼有明神宗之季國脆脆光宗繼之更短折維時先生官給事顧命乃與大臣列防微肩鉅定大計選侍移宮一朝決再起中丞赴雙闕大柄已被閹人竊乾兒義孫滿廟廊二十四罪愆所切赤縣爭高官者祠彤庭徧染中丞血詎有婪賊楊大洪舍人寧死心如鐵或言漢之尉顧潔其名唐之牛李營其穴宋之洛蜀明東林黨禍紛紛蹈覆轍封疆已被門戶誤遂譏先生太激烈我謂此言殊不然藉口保身附明哲假使當年稍嬖嬰張禹孔光更何別君子豈能誤國家目爲黨人正氣絕嗚呼正氣絕國乃滅每持明哲保身之說以備責直臣正氣所以喪也此等詩關係名節不小○予過忠烈公祠作詩弔之云云人之云亡邦國瘁明社沉淪等兒戲只有孤臣一片心地下可訴高皇帝讀喬公詩偶然歸錄

下灘

湘南三月湘水生。馳波跳沫空江鳴。硤研亂石巨江面險如瞿塘灘。誰能攫我聞就下水之性。豈樂與石相排爭。清流何爲輒暴怒。鼎沸勢欲蒼厓傾。其如灘石太峻巖橫排曲扼真難平。筇竿之船薄如紙。左旋右折中流行。柁師自許識趨避。到此亦覺心魂驚。十里五里在俄頃。回頭不見丹峯橫。一灘纔過一灘

至到耳總作奔雷聲。縱然賦命果窮薄。毋乃太視波瀾輕。

湘口

鴈叫猿啼不可聞。零陵風雨正紛紛。三巖明滅瀟湘合。二水深洄楚粵分。縱目好看靈嶽樹。落帆猶帶隱山雲。探幽更向愚溪去。野性偏宜鷗鷺羣。

方象瑛

字渭仁。浙江遂安人。康熙丁未進士。已未召試博學鴻詞。官翰林院編修。著有健松齋詩集。

龍洞背

神龍穿石飛。洞壑盡常晦。人乃捷於龍。盤旋出龍背。躡衣入重雲。勢與風雨會。危崖千萬狀。不知始何代。突兀浮圖高。縱橫屏障大。鱗鬣樹千章。泉流吐飛沫。下注不測溪。沉沉氣冥昧。倘燃牛渚犀。百靈宛然在。荒山多靈奇。策名此爲最。何必御風行。曠然天地外。

七盤關

雞頭關前七盤嶺。蚓曲蛇蟠纔見頂。氏中又復度七盤。詰屈紆迴勢相引。層崖邃谷路轉通。拾級忽見雲霞空。卻怪頂觸前人趾。不知舉膝當心胸。寧心息魄詫奇絕。萬里山川風氣別。一關中斷隴蜀分。羌笛淪歌乍相接。遙望川巴萬點明。白雲紫霧還縱橫。鱗鱗彷彿峨眉雪。不知何處錦官城。北望京華南望越。懷人兩地情偏切。今朝身入大荒西。涼風古驛中秋月。

昔遊平靖關。關頂爲荊州豫州分界處。曾作詩記之。篇中一關中斷二語。服其辭之能達。羌笛承隴。淪歌。

承蜀尤見
脈理之細

望雪山

自注在戎州距會城二百餘里曉起登樓望之九峯皆白

未是峨眉境何來入座看蠻中晴亦雪微外暑偏寒雲散千峯白霜凝萬壑丹鱗鱗望不盡指點是松潘

陳玉璣

字安明江南武進人康熙丁未進士官中書舍人

聞董文友已在山東

竟作十年別何無一紙書傳聞在東魯早晚下南徐客久才逾老思深夢轉疎靈光遺殿在問爾賦何如
眉眼最近而眼不見眉即思深夢疎之謂

同友登京口避風館高閣望江題壁

袞袞登樓興披襟坐上頭果知天地大不盡古今愁孤塔烟中斷諸峯波面浮憑欄一長嘯明月夜橫秋
落葉

木葉驚微脫相看惜故枝一秋今古夢萬樹別離思人水飄無定隨風下每遲始知天地意搖落總無私

辨形寫意便覺超然一結所見尤大

興濟寄懷家兄其年

同君擊楫大江干共把離尊未忍乾一自風濤愁裏聽真憐兄弟別時難雲連滄海鴻邊度月落津河馬

上看爾在家鄉定回首。幾時書札到長安。

傅昂霄

字龍翰。江南吳縣人。康熙己酉舉人。○吳中詩人。無道及龍翰者。然即此三篇。非浸淫唐賢者不能。

飲馬長城窟

君不見長城之北青海邊。平沙直上黃雲天。沙中白骨堆何年。陰山九月風怒號。風吹戍火連雲高。雲中五原軍出幕。左賢右賢心膽落。軍中大將聞姓霍。鼓聲如雷笳聲死。冒圍脫走天驕子。烽煙一掃萬里秋。漢家天子恩未酬。男兒何用言封侯。太白蝕月旄頭沒。歸來飲馬長城窟。

涼州詞

九月霜高塞草肥。征鴻無數向南飛。深閨莫道秋砧冷。夜夜寒光滿鐵衣。

溫柔敦厚。可與唐賢絕句並讀。

江行

白雲明月漾微瀾。空外秋聲落遠灘。燕子磯頭中夜起。一天星斗大江寒。

徐乾學

字原一。江南崑山人。康熙庚戌賜進士。第三入官。至刑部尚書。著有滄園集。

感遇

汲水辨澗溜。染絲別黑白。古人傾蓋間。流品先已擇。寸心苟相投。薄軀非所惜。寶劍解贈君。出入耀光澤。分手去路衢。萬里無間隔。結交不須多。噂沓亦何益。寧聞管鮑家。堂有珠履客。

隴山歌送許天玉之官新安

隴山高高隴水流。隴西六月如清秋。蕭關朝那近北地。酒泉張掖連涼州。諸葛戰爭餘故壘。隗囂宮殿成荒邱。繡衣按部求名馬。都護行營擢錦裘。數聲羌笛落梅怨。一曲秦箏邊月愁。許侯分符萬里去。曉發青門擁驕御。虞翻成名在此時。王尊叱馭看前路。京華故人折楊柳。欲行不行日漸暮。我歌爲作隴山詞。目極輪臺鳥飛處。高岑風格。步趨者罕。此歌在燕歌行胡笳歌之間。

送萬季野南還

霜花醪酒送君還。邸舍相依十載閒。慣對卷編常病眼。與談忠孝卽開顏。折衷三禮宗王鄭。泚筆千秋續馬班。薄笨獨驅驚歲暮。凍雲寒雪滿江關。

王

揆字藻儒。江南太倉人。康熙庚戌進士。官至大學士。著有西田集。

望岱

山色周遭信馬歸。岱宗高峙絕攀躋。龍從未許兒孫並。崑崙疑星漢齊。風定天門懸日月。雨收石角挂虹霓。他年定擬窮遊屐。秦觀峯頭倚醉題。

王士禛

字子側。山東新城人。康熙庚戌進士。著有古鉢集。○計甫草云。子側爲四槐之弟。阮亭之兄。才堪頡頏。而四槐阮亭早發。聲望先布。不必視爲蜂腰也。

和李退翁侍郎讀水經注兼憶洞庭之作

相思何處折芳馨。望斷黃陵舊日亭。自注水經注湘水又北徑黃陵亭西。秋水依稀聞落葉。楚天彷彿見揚靈。洲邊子戌三春綠。樓外君山一帶青。太息雲中君在否。不堪重問道元經。

渡揚子江

長江不盡來荆蜀。天塹平分控五州。地近沉舟悲戰伐。人從擊楫想風流。波開雲日諸峯出。浪湧魚龍夾岸浮。況值丹楓搖落盡。三山縹緲欲忘憂。有吞雲夢搖五嶽之概。如此方許作渡江詩。

孟亮揆

字擇來江南長洲人康熙庚戌進士官翰林侍講學士

于忠肅墓

曾從青史弔孤忠。今見荒丘岳墓東。冤血九原應化碧。陰燐千載自沉紅。有君已定還鑾策。不殺難邀復辟功。意欲豈殊三字獄。英雄遺恨總相同。徐石實忠肅即謂其意欲召外藩也。愈欲二字。與其須有三字。正復相類。一經拈出。舊事頓新。

李振裕

字維饒江西吉水人康熙庚戌進士官至戶部尚書有白石山房詩稿

祠闕里雅有序

皇上文德武烈。震揚域外。海隅宴安。民有禮樂絃誦之習。蒸蒸嚮風。迺循覽徭俗。還過闕里。以太牢祀孔子。禮儀致敬。賁予有加。臣躬逢大典。懽忭踴躍。不揣固陋。竊效唐臣柳宗元雅體。詠歌盛事。爲祠闕里雅一篇。謹拜手稽首以獻。